

CAPUT XXI.

AQUAE DISTILLATAE
COMPOSITAE.

AQUA CARBONATIS POTASSAE PURI.

(Lithontriptica.)

℞. Carbonatis Calcis vulgaris }
 Acidi Sulphurici con- } ana unciam semis,
 centrati. }

Carbonatis Potassae purissimi cum aqua distillata confecti, et crystallisati unciam semis,
 Aquae distillatae uncias triginta duas,

Carbonatem Potassae in Aqua distillata dissolve. Carbonatem Calcis in vas vitreum cum aqua communi dilutum immitte, quod praeter colli orificium aliud habeat foramen laterale. Colli orificio apta, et cerâ obducto alteram siphonis vitrei extremitatem, qui litterae S figuram referat, alteram vero in pelvin aquâ fontanâ repletam immerge, et alii vasculo fictili inverso, rimâ in limbo, et foraminulo in fundi medio pertuso, subijce.

198 AQUAE DISTILLATAE COMPOSIT.

Tunc phialam vitream, in quam praedictam Carbonatis Potassae dissolutionis frigidae quantitatem immiseris, quae phialae tantum medietatem impleat, manu orificio compresso inverte, atque ita colloca, ut phialae orificium vasculi fictilis foraminulo respondeat sub aqua. Deinde Acidum sulphuricum, tribus aut quatuor aquae unciiis dilutum, supra Carbonatem calcis per vasis vitrei foramen laterale sensim effunde. Ascendet è carbonate calcareo effervescente acidum carbonicum, et per siphonem transiens fundum, seu superiorem phialae inversae partem petet, et carbonatis potassae dissolutionem versus phialae collum descendere coget depulso interea aëre atmosphaerico qui eum locum replebat. His peractis phialae orificium manu occlude, ipsamque pluries concute, ut Acidum carbonicum, et carbonatis potassae dissolutio permisceantur. Phialam denique ritè obturatam, inversamque in frigido loco serva.

Dosis ab unciiis quatuor ad octo, saepius iteranda.

AQUA ACIDO CARBONICO CAMPHORATA.

℞. Phialam vitream libris sex aquae fontanae repletam. Manu orificium comprime, inverte, et apparato pneumato-chimico praedicto subijce, ita ut foraminulo vasis fictilis inversi exactè respondeat sub aqua. Tunc acido carbonico (per siphonem transiente ut supra diximus), praedictae phialae cavitatem imple ad duas tertias partes, depulsa interea totidem aquae mensura, seu libris quatuor, ut gas acidum carbonicum quicquid descendere coget, ejus locum repleat. Tunc manu orificium comprime, pluriesque manibus concute, et remove donec aqua acidum carbonicum absorbeat. Postea Aquam phialae mitte in alio excipulo vitreo libris tribus mensurae gas acidi carbonici repleto in apparato praedicto; agita, et procede ut antea donec aqua saporem acidulum adquisiverit. His peractis, adde unicuique librae aquae acidulatae Camphorae tritae grana sex.

Agita per intervalla ut camphora dissolvatur, et serva ut in aqua praecedenti praescribitur.

200 AQUAE DISTILLATAE COMPOSIT.

AQUA SULPHATIS FERRI ET MAGNESIAE

ANTIMONIALIS DOCT. BAÑARES.

℞. Sulphatis Magnesiae drachmas tres,
Tartritis Potassae Antimonialis gr. unum,
Sulphatis Martis grana sex,
Tartritis Potassae et Sodae scrupulum semis,
Aquae communis libras quatuor.

Solve, et filtra S. A. Extemporaneè fieri
debet.

Dosis semilibra.

AQUA SUCCORUM VEGETABILUM VULNERARIA.

(Aqua Pontificalis.)

℞. Succı expressi Betonicae. }
Millefolii, }
Origani, } singulorum
Pimpinellae, } uncias sex,
Sempervivi, }
Saniculae, }
Verbenae. }
Mari cortussi uncias tres.

Carbonatis potassae communis }
Muriatis Sodae. } ana unc. sex.

AQUAE DISTILLATAE COMPOSIT. 201

Tartritis aciduli potassae puri uncias quatuor,
Aloes Succotrini unciam unam,
Aceti distillati libram unam.

In aceto solve aloem, in succo Betonicae solve muriatem sodae, in succis Millefolii, et Verbenae solve carbonatem potassae, et in Pimpinellae succo solve Tartritum acidulum. Tunc solutiones omnes misceantur in retorta vitrea, suo que cum receptaculo, commisuris clausis, digere per dies tres, dein distilla ad siccitatem. Liquor elicited cum residuo prius pulverisato dilue, iterumque distilla. Id ubi tertiam vicem perageris liquorem distillatum tantisper empyreumaticum in vase vitreo servabis ad usum.

AQUA SULPHATIS ALUMINAE.

(*Aqua aluminosa.*)

℞. Aquae stillatitiae Rosarum libram unam, et semis,

Sulphatis Aluminae puri drachmam unam.

Dissolve. Extemporaneè fieri debet.

cc

202 AQUAE DISTILLATAE COMPOSIT.

AQUA CUPRI AMMONIACALIS.

(*Aqua Caelestis.*)

℞. Aquae distillatae libram unam,
Muriatis Ammoniaci. } ana drach-
Carbonatis Potassae communis } mam unam.

Solve, et in pelvi aenea relinque, donec
colorem caeruleum acquisierit. Filtra, et vase
vitreo ritè obturato serva.

AQUA MURIATICO MERCURIALIS RUBRA.

(*Aqua Phagedaenica.*)

℞. Muriatis oxigenati hydrargyri sublimati scrupulum unum,
Carbonatis Potassae communis drachm. unam,
Aquae distillatae libram unam.

Tere in mortario vitreo, et sensim affunde aquam. Liquorem serva in phiala vitrea, optimè clausa, tunc renovandum, cum nigrescere incipiat, seù potius extemporaneè fieri debet.

*In singulis uncüs continet muriatis oxigenat
Hydrargyri sublimati grana duo.*

AQUA SULPHATIS ZINCI ALUMINOSA.

(*Aqua Styptica.*)

℞. Sulphatis Zinci. } ana. unciam semis.
Sulphatis Aluminae. . . . }

Aquae Rosarum libram unam.

Dissolve, et filtra. Extemporaneè fieri debet.

AQUA ACETATIS PLUMBI.

(*Aqua Vegeto-mineralis.*)

℞. Acetatis Plumbi liquidi drachmam unam,
Alcoholis Vini drachmas duas,
Aquae communis distillatae libram unam.

AQUA CALCIS.

℞. Calcis vivae recentis libram unam.

Sensim affunde

Aquae purae libras duodecim.

Post ebullitionem completam, et debitam subsidentiam liquorem decanta, et vase vitreo diligentissimè obturato conserva, renovandum, simulac post aliquot menses inefficax deprehendatur.